

SERBUAN KE ATAS KILANG KULIT TAUHU YANG SUNGGUH MENJIIKKAN!!!

admin, Thursday 11 September 2008 - 18:02:20





TEMPAT PEMROSESAN TAUHU

10 September 2008 - Sungguh menjijikkan!!! Itulah kata-kata yang paling sesuai untuk ditujukan kepada sebuah kilang yang memproses tauhu kering di kawasan Kajang apabila kilang tersebut terletak berhampiran dengan kandang anjing. Kilang tersebut telah menjadi pengedar tauhu kering selama 4 tahun dan mengedar tauhu kering tersebut di kawasan Lembah Klang. Apa yang lebih menjijikkan lagi terdapat puluhan alat yang menghurungi sebatian tauhu kering yang masih dalam pemprosesan dengan keadaan bau yang sangat busuk dan meloyakan. Di samping itu juga, kilang tersebut menjadi laluan keluar masuk anjing-anjing yang dipelihara

bersebelahan dengan kawasan kilang terbabit.

Serbuan tersebut telah dilakukan berdasarkan tinjauan pihak KOSMO! yang sebelum ini membuat siasatan terhadap kilang tersebut berdasarkan aduan yang diterima daripada para penduduk dan mendakwa kilang tersebut diproses berhampiran dengan kandang babi. Serbuan yang dilakukan pada jam 11.00 pagi itu turut disertai oleh pihak Kementerian Kesihatan Malaysia (KKM), Suruhanjaya Syarikat Malaysia (SSM), Jabatan Agama Islam Selangor (JAIS) dan Unit Tindakan Khas, Persatuan Pengguna Islam Malaysia (UTK PPIM). Apa yang lebih mengecewakan, sijil halal kilang tersebut telah tamat tempoh pada tahun 2003 tetapi masih lagi menggunakan logo halal tersebut di bungkus tauhu kering itu untuk memperdayakan pengguna.

PPIM difahamkan bahawa terdapat sebuah kolam kumbahan yang digunakan oleh kilang tersebut untuk memproses tauhu kering tersebut. Apabila ditinjau keadaan kolam kumbahan itu amatlah kotor dan sungguh menjijikkan dengan keadaan air yang kelihatan kehitaman-hitaman.

Kilang tersebut telah dikenakan kompaun sebanyak RM1000 oleh pihak Kementerian Kesihatan dan mereka diminta untuk menghentikan operasi selama 2 minggu untuk tujuan pembersihan dan pemberian suntikan kepada para pekerja. Kandang anjing yang berhampiran telah diarahkan untuk merobohkan premis terbabit kerana tidak mempunyai sebarang lesen dan dikenakan kompaun sebanyak RM 25,000.



TEMPAT PENYEDIAAN



NAJIS ANJING DI SEKITAR KILANG



KAWASAN KOTOR YANG DI HURUNGI LALAT



TEMPAT PENGERINGAN



LOGO HALAL PALSU



SUMBER AIR YANG DIGUNAKAN UNTUK SEMUA AKTIVITI DALAM KILANG



KAWASAN SEKITAR KOTOR DAN BERSEPAH



KILANG SEWAKTU PEMERIKSAAN PIHAK BERKUASA



ANJING YANG DIPELIHARA SEKITAR KAWASAN KILANG























